

Panis Evangelici Fragmenta Qvadragesimalia Tripartita

Ex sanctissimo Dei Verbo copiosé & sedulo collecta, Sanctorum Patrum,
variorumque Auctorum sententiis & conceptibus mirificè aucta; Et
Omnibus Quidem Anni Dominicis; præcipuè tamen singulis Quadragesimæ
Dominicis & Feriis per binas ad minus, sæpius denas aut septenas
Conciones fidi Populo ...

**Lingendes, Claude de
Coloniae Agrippinae, 1689**

VII. Quæ secunda est de Ceremonia cinerum, explicat formam Sacramenti
mortis, nempe ea verba, Memento homo quia pulvis es, &c.

Nutzungsbedingungen

[urn:nbn:de:hbz:466:1-56333](https://nbn-resolving.de/urn:nbn:de:hbz:466:1-56333)



FERIA QUARTA CINERUM,

CONCIO SECUND^A

DE CEREMONIA CINERUM.

Memento homo quia cinis es, & in cinerem reverteris.

JTERUM nobis de morte mentio, quia nunquam debet esse oblivio: Jam hesterni cineres è frontibus, & capitis nostris sunt discessi, insigni exemplo vanitatis nostræ, quia nihil facilius diffidatur cineribus nostris; sed si excusci sunt cineres à fronte, non debent ab intellectu, & memoria: sicut enim singulis diebus morimur (nam licet uno die perveniamus, multis tamen venimus) Ita singulis diebus mortis meminisse debemus: Homines appellavit Nazianz. *dysaphæsis* sepultos: Ita tu non semel tantum, nec bis morere, sed saepius, secundum illud Apostoli, *Quotidie morior propter vestram gloriam*: præsertim cum sapienti cavendum sit, quemadmodum ait S. Leo Serm. 5. de Jejunio septimi mensis ut quoniam breves dies istius vitæ, & incerta sunt spatia, nunquam sit mors morituro improvisa, nec in inordinatum incidat finem, qui se novit esse mortalem: Certè si diem mortis certum habememus, semper de illo

cogitaremus, & quidem deberemus; ut quod semel tantum fit, rectè fieret: quanto magis cum sit incertum, cogitare quotidie oportet: nam ut ait S. Augustinus homil. 13. & 50. latet ultimus dies ut observentur omnes dies: Et quidem licet cineres facile dispersi possint, eorum tamen natura fert ut in aliud mutari non possint, unde non pauci materiam primam dixerunt: ideoque tibi significant æternam cuivis habendam esse atque immutabilem mortis memoriam. Sed quia nullum bonum nisi à coelo, atque per Virginem obtinetur, ad Mariam recurramus. *Ave Maria.*

CUM sacrum Quadragesimale Jejuniū mensas proximas, & convivias excluderit, placet loco conviviorum è quibus non nisi luxus & intemperantia referuntur, aliam vobis mensam modestiæ plenam extruere, & in eâ vobis cœnam funebrem apponere, & imitatione Davidis, cinerem vobis in mensa adhibere: sic enim ait Ps. 101.

Quia

Quia cinerem tanquam panem manducanam: Et potum meum cum fletu miscebam. Venit in memoriam cœne cuiusdam funebris de qua Xiphilinus in Domitiano: Invitarat is Imperator plurimos Senatores ad cœnam: Curarat ut ædes nigris tapetibus sternarentur, ac operirentur, omni ex parte: erant enim atri parietis, nigra laquearia, nigrum pavimentum: in eo nudæ sedes ac furvæ ordine collocatae: Quibus peractis eos de noctu introduci iubet absque comitibus, magno silentio: ac primùm omnium juxta unumquemque, columnam collocat factam instar sepulchri, & cuiusque nomen ei inscriptum: pendebat ex eâ exigua lampas, ut assolet in monumētis: Tum nudi pueri, atramentoque obliiti tanquam sp̄c̄tra quædam ingrediuntur, ipsosque horribili saltatione circumveunt, eoque facto ante singulorum pedes consistunt: Tum omnia quæ in exequijs mortuorum adhiberi solita, in vasis eodem modo comparatis apposita sunt; Mirum omnium silentium quasi inter mortuos degerent, nisi quod de repente Domitianus sermonē habuitde rebus quæ ad mortes, & cædes pertinebant: Tum omnes ab incognitis comitibus deducti: nullus fuit eorum qui sibi mortem imminere non crederet: hoc Domitiani crudelitas, & ille apparatus facile persuadebant. certè solo timore multi in morbum lapsi sunt, nonnulli etiam interierunt. Illud quidem ridiculum, atque inutile, ac dignum Domitiani ingenio: sed cum fructu vos ad cœnam funebrem invito, quam Ecclesia solis cineribus instruxit, ac pergo in eâ ceremoniâ explicanda, de quâ heri dicere cœperam. Eam porro diximus speciem habere Sacramen-

ti, itaq; constare dupli parti, Cinere quasi elemento, quibusdam verbis, quasi formâ: Nec suus etiam deest ritus, quia in caput consecrati prius cineres jaciuntur: adhibitisque verbis ceremonia compleetur: de cineribus jam diximus: supereft ut de verbis aliquid pr̄ us dicamus, deinde de ritu, cur scilicet capite cineres adhibentur. Incipiamus à verbis quæ ejusmodi sunt, *Memento homo quia cinis es, & in cinerem reverteris.* In quibus:

Adverto 1. Imperium Dei atque sententiam quæ instar fulminis unumquæque percéllit, unde non mirum si in cinerem reducamur: nam si ut ait David, *montes sicut cera fluxerunt à facie Domini,* quis Dei vocem, & hanc vocem ferre potest? locutus est Elias super tribunos, & milites, & igni devorati sunt ac redacti in cinerem; quanto magis cum Deus loquitur, & sic loquitur? Cum itaque dicitur homini ut meminerit, sanè mens eius ad priora reducitur, neque enim meminimus propriè aut præsentium, aut futurorum; Et tamen præfētia dicuntur, *Quia pulvis es & futura, & in pulverem reverteris:* Revocatur itaque ad pr̄eterita, nempe ad illam sententiam à Deo prolatam, *Quia terra es, & in terram;* Quod quia uni tantum homini dictum esse videtur, nunc singulis hominibus magnâ autoritate pronuntiatur, quasi edicto divino, *Memento homo quia cinis es, & in cinerem reverteris:* Hoc significavit David cùm dixit, *Quia defecimus in irâ tuâ, & in furore tuo turbati sumus:* Symmachus & aquilla vertunt, ut adventit S. Hieronymus in Epistola ad Cyprianum: *In furore tuo acceleravimus:* Brevitatem

, L signi-

significat humanæ vitæ , ait S. Hieronymus: Quod autem intulit: *In irâ tuâ, S in furore tuo*, sententia Dei ostendit perseverantiam , cui omnes subjaceamus: *Terra ez, S in terram ibis*: Quod dixit Hieronymus perseverantiam iræ Dei, eò pertinet, quod cinis relictus sit iræ divinæ atque vindictæ monumen-tum permanens : uti de Sodomâ dixit S. Petrus , *Civitates Sodorum S Gomorrhaeorum in cinerem redigens, Sc exemplum eorum qui impiè asturi sunt, ponens: Ni-mirum Regio illa quondam amoenissima facta est ut loquitur Oriosius, Regio cineris* : Quare omnia quæ ibi reperiuntur fœda sunt , ac plena cineribus: Quare Sapient. 10. dicitur , *Insipientiæ sive reliquerunt hominibus memoriam, Cine-rem* : Et sanè nulla re aliâ se magis formidabilem Deus ostendit quam morte, & terrore mortis. Quantum primum hominem evexerat? nempe rerum omnium dominum effecerat, terræ, maris, plantarum, animalium: Omnia ei permisera, & in res omnes jus summum dederat : *de omni ligno. Paradisi comedere*: sed omnem licentiam unâ lege coercuit, ac nisi obediret, hoc potissimum est minatus , mortem : nam quid peius immortali ? Quid deinceps cùm universum hominum genus deliquit? Finis, ait, universæ carnis venit coram me: delebo, inquit, hominem quem creavi, à facie terre: Quid non conatus ut ut timeretur à Pharaone? verum eius duritiam vincere non potuit, nisi morte primogenitorum. Nam postquam in singulis domibus Angelus aliquem in tota Ægypto interfecit Exod. 12. Surrexit Pharaoh nocte, S omnes servi eius, cunctaque Æ-

gyptus : *S ortus est clamor magnus in Ægypto: neque enim erat domus iu qua non jaceret mortuus: vacatisque Pharaon, Moysè, S Aar-on nocte, ait: Surgite S egredimini à populo meo, vos S filij Israël: Ite, immolate Domino, sicut dicitis, Oves vestras, S armenta assunite, ut petieratis, S abeuntes benedicite mihi. Urgebantque Ægyptij populum de terra exire velociter, dicentes. Omnes moriemur. Quid non effecit Dominus ut timetur ab Israëlitis? nunquam tamen satis potuit timorem incutere, nisi morte proposita: leges ita sancivit, ut, fere, semper non observantib⁹ mortem minaretur: Qui hoc fecerit, morte moriatur: interficiatur: Et lapidabit eum omnis multitudo filiorum Israël: delebitur de populo suo: Unde de illis legib⁹ dici posse videtur, quod de Draconis legibus olim dictum est, scriptas illas sanguine fuisse. Vide quomodo superborum arrogantiam compescuit. Infelix Saïl cū arte dæmonū Samuëlis umbram eliciisset 1. Reg. 28. atque audisset ex eo: *Cras autem tu S filij tui tecum eritis: ita conterritus est, ut ceciderit, sicut ait textus: Statimque Saïl cecidit exporatus in terram: extimuerat enim verba Samuëlis.*: Ita Davidis superbiam cùm populum numerasset, ingenti strage, ac morte multorum deppressit: Quomodo Sobnam: præpositum Regium Templi exagitat Isa. 22. Ecce Dominus asportari te faciet, sicut asportatur gallus gallinaceus, S quasi amictum, sic sublevabit te: Coronas coronabit te tribulatione, quasi pilam mittet te in terram latam, S spatiösam: ibi morieris, S ibi erit currus gloriae tuæ: In Holophernis exercitu quantam commotionem attulit unius cadaveris aspectus? In exercitu Sennacherib quan-tum*

tum timorem tata strages unius noctis?
 Quid passim Deus impiis & improbis intentat? Juxta illud Davidis, *Terribili,
 & ei qui auferit spiritum Principum, terribili
 apud Reges terrae*: Certè si nihil aliud in homines posset Deus, si nullum aliud haberet dominium quam mortis, hâc solùm parte quantum hominibus formitandus foret. Nam ut ait Seneca in Excerptis: ad hoc præcipue gens humana contremit, nec immerito: Cæteri timores habent aliquem post se locum, mors omnia abscindit: alia nos torquent, mors omnia abscindit: alia nos torquent, mors omnia devorat, etiam qui alioqui se nihil timere indicant, hoc timent: Quidquid aliud extimescimus, homini aut remediu, aut solatum. Ecce Regem opulentum, potente, dilectum à suis, & quod omnia superat, pium, virtutibus omnibus præditum: ad eum Isaías mittitur, cum hoc nuncio: cap. 39. *Hæc dicit Dominus, disponere domui tue, quia morieris tu, & non vives*: Quas tunc conversus ad parietem non fudit lachrymas, quos gemitus, quos singultus? ait Textus. *Et flevit Ezechias fletu magno*: Nonne acha 3. Reg. cap. 21. licet sceleratus, impius, atque idololatra, morte sibi ab Elia intentata, vestem scidit, ambulavit demisso capite, ad sacrum, & ad jejunium confugit. Omnia mortalium perdidissimus & delitosissimus, Sardana palus in regno amplissimo & in summo ocio vivebat securus: Ecce tibi homo incognitus barbaræ votis, & ignotæ linguæ, egens rerum omnium, magnâ voce inclamat secundum Versionem LXX. Interpr. *Adbuc tres dies, & Ninive subvertetur*:

Quantam morum mutationem effecit? Sardanapalus in cilitio, in cinere, in jejunio! Ninive in Pœnitentia! Chilpericus Rex Francorum jam jam moritrus, cum se Regem cerneret, nec tamen sibi Diadema, nec Sceptra securitatem attulisse, neque à morte potuisse eximere, in eum qui non moritur, & solus habet immortalitatem intuens, exclamavit! Quam magnus est Rex ille cœlestis, qui sic humiliat sublimes Reges terræ! Idem quotidianâ patet experientiâ: Nam videmus passim homines nullâ re commoveri, non minis judicij, non inferorum pœnis, non virtutis honestate, non Dei beneficiis, non propositâ ipsius, vel majestate, vel bonitate, vel justitiâ: blandiaris? rident, miniteris? obstinantur: Quod remedium? Incidunt iidem in infirmitatem, periclitentur de vitâ: videoas instar cerę mollescere. Idem vide in capite damnatis: Nam initio ferores, impii, intrastabiles: Dictâ sententiâ ubi intelligunt sibi esse moriendum, ad mentem redunt, ad timorem, ad lachrymas, ad confessionem. Nimirum ut ait David Psal. 77. *Cum occideret eos, quærebant eum, & revertebantur, & diluculo veniebant ad eum*: Quam multi initio morbi sana omnia consilia reiiciunt, sed ubi de se actum intelligunt, protinus ad Deum omni affectu revertuntur, tatum potest mortis præsentia: Quid dicam de Nautis? quod hominum genus præditissimum est, atque ut ajebat Anacharsis Scytha, ut vitâ, ita moribus desperatis, quos Bias teste Platone, neque inter vivos neque inter mortuos numerabat: ijdum adest mortis periculum, quas non

fundunt præces, quæ vota non concipiunt, audias publicè confitentes, ita mortis memoria ferrea pectora emollit. Joannis Baptista Concio mortem & securim intentantis; *jam securis ad radicem posita est;* quam multos emollivit? adeò ut Lucæ 3. *multi venirent confitentes adū suos.* Idem videmus peste grassante, aut cum miles ad irruptionem, & conflictum mittitur, cùm urbs qua tienda tormento, & irruptio ab hoste expectatur, scilicet Passim omnes ad pœnitentiam accurrere. Denique in omni mortis periculo illud Job. impletur cap.42. *Idcirco ipse me reprehendo, & ago pœnitentiam in cilicio & cinere:* dolorem & humiliationem significat. Hic te quisquis es interrogo, si non fuisset animus hebes, & rerum mundanarum strepitu obsurdescens, quis tibi animi sensus fuisset, cum hoc tibi à Sacerdote pronuntiatum est, *Pulvis es, & in pulverem reverteris?* Certe legimus in historiis fuisse aliquos homines, quib⁹ cum capit⁹ sententia legeretur, alii timore mortem prævenerint, alii sanguinem sudarint, alij capillorum, & barbae colore mutarint; Quid hic deest nisi justa hominis apprehensio? utrobique enim mors, utrobique judicis sententia, utrobique eius intimatio: hoc unū est discrimen, quod hominum sententia variis modis impediri possit, Dei non possit.

Advero 2. in illis verbis mortis originem nempe peccatum & inobedientiam, secundum illud Apostoli, *Per peccatum mors: Item per unum hominem in omnes homines mors pertransiit:* ut nemo vel naturæ, vel conditioni humanæ,

vel fortunæ, vel injuriæ, sed divinæ vindictæ id tribuat: Itaque revocamur in memoriam illius sententiæ, ut discamus unde mors orta sit: Atque hinc 1. graviorem mortem habeamus, sicut qui ob crimina damnantur: mors enim illis longè est acerbior, quam illis qui communi necessitate moriuntur, quoniam rationem pœnæ habet. 2. ut hinc oderimus peccatum, à quo fit ortus mortis, atque occasio, quapropter semper in scripturis peccatum & mors conjunguntur; unde qui peccatum destruxit: idem etiam mortem abolevit, nec mirum quoniam ex Apostolo, *Stimulus mortis peccatum:* Hoc est ex Augustino: ex peccati punctu homines interempti sunt: itaque quia Christus stimulum illum retulit, hinc fit ut jam mors nocere non possit. Atque hinc intellige, quam verè dictum fit à Prophetis, *anima quæ peccaverit ipsa morietur,* ut si peccatum per se blandiatur, scias quid inferat, nempe mortem, ut non tam facilè pecces, & intelligas tot sententiis te ad mortem esse damnum, quot peccata admisisti, nec aliter fieri posse.

Advero 3. significari necessitatem moriendi inevitabilem, quam Ezechiel appellat, cap. 21. *Gladium Domini irrevocabilem:* scio varios ex variis capitibus mortis necessitatem accersere; sed mihi inde petitur, quia judicis sententiæ, omnes ad mortem dannati: unde quia nullus summi judicis sententiam potest refigere, ideo nullus mortem potest evadere, itaque Apostolus recte dixit: *Statutum est hominibus semel moriri post hoc autem judicium.* Hebr. 9.

Adver-

Adverto 4. Triplicem hominis statum designari, parùm à se dissimilem: primò designatur status præteritus; Quia cùm per mortem eodem redeat, neceſſe est ut ante fueris cinis & pulvis, hoc enim significat *In cinerem reverteris*: ita Deus ad Adamum, *de terrâ es, & in terram ibis de qua sumptus es*; ita Agapetus Diaconus Imperatores alloquens ait, quod homines omnes *pilon echusi tu genus propatora*. limum habent generis sui authorem & progenitorem: Secundò designatur etiam status præsens, *Memento quia pulvis es*, ut quisq; intelligat, se etiā nūc esse pulverē ac cinerem ex vetere Epitaphio. Vas cinerū: Quā de re præclarè S. Chrysostom. hom. 2. de incomprehens. natura Dei. Si homo formosior, & luto nobilior appetet, hoc non ex diversitate nature, sed ex ingenio artificis provenit, nam materiæ quidem ratione, nihil inter lutum, & illum interest: Quod si non credis, sepulchra, & monumenta inspice majorū, illa enim facile suo exemplo possunt tibi persuadere pulverem, & lutum te esse. Sed aīs, inter homines vivos, & mortuos aliquid interest: dixit Chrysostomus, non materiā sed formā: itaque apud Hebræos eadem vox Mettin. & vivos & mortuos significat, sola differentia in diverso unius puncti situ: quod nos decipit est color pelliculae, & quasi valculum: itaque recte Propheta. Homines terram appellat dum ait. *Terra, Terra, Terra audi Verbum Domini*: sed quemadmodum non horremus sepulchra, quia exterius dealbata sūt, & cretata: sed ut ait Christus Dominus, *Intus*

plena sunt ossibus mortuorum: Ita corpora etiam quæ apparent, formosissima, plena sunt spurciis & cinere. Itaque carnem appellat Nyssenus *osmis ergastlion*. Tertiò odoris officinam: Memento Gomorrhæi pomi speciem, forma illà est, ait Strabo, Plinius, & Solinus: sed solo tactu vagum fatiscit in pulverem. Tertiò designatur status futurus: unde dicitur, *& in pulvrem reverteris*, hic enim est rerum omnium, atque hominis exitus: Notat Eusebius Cæsar. lib. 11. de præpar. Evang. cap. 4 disputans de arcana nominum Hebræorum impositione, duplex hominum nomen ab Hebræis usurpari. Adam & Isch. primum commune, ac significat terrenum, à pulvere: Alterum particulare, & virum significat, & oritur à radice Esch. 1. ignis aut flamma. Eusebius primam vocem refert ad corpus, alteram ad animam quæ est virilis, ignea, & calida: sicut etiam Stoïcorum opinio Animam ignem esse: Zenoni Stoïco animus ignis videtur: & Varro, Animalium semen, ignis: uti igitur extincto igne, materia inflammata in cinerem redigitur: ita per mortem subducto igne, corpus abit in cinerem: Audi impios Sap. 2. *Fumus fatus est in naribus nostris: & sermo, scintilla ad commovendum cor nostrum: quā extindit, cinis erit corpus nostrum*: nota fumum, scintillam, extinctionem; in quibus verbis, homo exprimitur quasi domus inflammata: ita ut ex ore quasi ex portâ, ex naribus ut è fenestris, halitus, quasi fumus egrediatur: Eodem spectant verba Job. cap. 34. *Si direxerit ad eum cor*

*Suum spiritum illius & flatum ad se trahet, &c.
Et homo in cinerem revertetur: Ex quâ similitudine Cantacuzenus sapientissime colligit hominem mortuum naturaliter in vitam redire non posse, non magis quam fieri non potest, ut ex cinere ignis iterum accendatur.*

Adverto 5. Nomine hominis non virū solum, sed etiam mulierem intelligi. S. Cyprianus lib. de Disciplina, & habitu Virginum: Quoniam fœmina viri portio est, & ex eo sumpta, atque formata est, in scripturis ferè omnib⁹ ad protoplastum Deus loquitur: Quia sunt duo in carne vñā, & in masculo simul significatū & fœmina: ut etiam intelligas eundem esse pulvrem utriusque secundū illud Nazian. orat. 31. his portis andios heginaicos: eis chis amphoteri reicon mia: nomos eis thanatos eis anastasis mia, unus viri & mulieris creator: pulvis unus uterque, imago una, lex una, mors una, resurrectio una: unde etiam eodem modo pulvere aspergitur uterque, & iisdem vocibus compellatur, ut unus ex altero humilitatem discat, nec unus alterum tanti faciat, & alterius gratiā, Deum amittat: Quid enim tantopere suspicis, in muliere, formam & pulchritudinem, cum sit vas fictile & opus figuli? Tu vero quid in homine suspicis, authoritatem, robur, dignitatem, potentiam, & adjuvamen? cum ea omnis potestas, & authoritas, uti in statua Nabuchodonosoris aurum, argentum, & metalla nitantur pedibus luteis, quibus fractis omnia redacta sunt in favillam & pulvrem pariter aurum, argentum, & ferrum redacta in favillam & luteas areæ: ut nihil mortale magni facias, nihil suspicias, quia ut lutū platearū delebis eos.

Adverto 6. Ecclesiam hæc omnia in memoriam revocare hæc ceremoniā: vnde cincres super caput jaciuntur, ut memoriam mortis habeamus præsentem: Memento statuæ illius Nabuchodonosoris; cuius caput aureum, pedes lutei, quoniam ferè homines alta sapiunt, ac de magnis cogitant, mortis autem memoriam procul habēt in pedibus: itaque ut proximè memineris, ac scias non tam remotam esse morte, sed tibi, tuoque capiti, instar gladij Damoclis imminere, in caput tibi cincres jaciuntur: Alioqui enim vide quid illi statuæ acciderit; nam sine manibus avulsus lapis de montes, statuæ luteos pedes percussit, & tunc omnia pariter metalla contrita sunt: avulsus lapis sine manibus, repentinam morte significat, quæ omnia in pulvrem reducit: Eodem pertinet quod dicitur Threnorum 1. Sordes eiusdem pedibus eius, nec recordata est finis sui, LXX. Interpretes hic vertunt, Novissimorum suorum.

2 In caput cincres jaiuntur ut scias, eam curam tibi debere esse primam & præcipuam, ut caput in reliquis membris principatum obtinet: Procopius Exod. 3. advertit Hebræos in exitu ab Ægypto magnâ curâ sumpsisse vasa argente & aurea, & omnem supellectilem: vide interim, quid de Moysè hominum sapientissimo dicat Spirura, Tulit quoque Moyses ossa Joseph, ille princeps & caput populi ad sepulchra confudit, & quid te facere oporteat docet: Hoc fortasse didicerat à Noë Patriarcha qui cùm à Deo didicisset omnia diluvio peritura, nihil in arcam ex omnibus intulit, non argentum, non aurum, non

non gemas, non vestem pretiosam, sed Adami ossa: itaque filii, cum à se discederent hanc unam hæreditatem, has solas divitias partitus est, ossa adami, ut quocumque perrexissent, nunquam mortis obliviscerentur: ac ne putas me impropiè ossa mortuorum appellasse divitas, narrat Orthelius in fine Theatri fuisse aliquas nationes, quæ non a liis nummis quam ossibus defunctorū uterentur in emptionibus & venditionibus: auro carebant & argento, ossiculis mortuorum utebantur: scio monetam illam nunc non esse in usu, sed in moralibus esse potest, secundū illud Iob. 5. *Ingredieris in abundantiā sepulchrum:* illud Salomon appellat domum æternitatis, ut scias tibi ab eā domo non esse ex eundem: vide quantus sit ille Ecclesiæ thesaurus: Certè quidquid singamus, nulla communiter cogitatio sic homines percellit ut cogitatio mortis, ac ferè solet esse mortalibus initium salutis: hic rerum despicientiam, discimus: hic vitæ vanitatem, & in constantiam, hic errores & fucum deponimus, & fastum, hic veram nostri cognitionem comparamus: quam in vita ferè nusque habemus.

3. Ut magnificias illam cogitationem: hæc enim fuit Orientalium consuetudo & adhuc apud Iaponios & Sinas viget, ut quæ honorent maximè ea capitibus suis imponant: itaque ut discas eam cogitationem magni saecore, tuo capiti cineres imponuntur: Regibus Orientis in pompa codex aureus pulvere plenus deferebatur: vide num ille sit de quo Iob. Loquitur cap. 31. quem optat ut scribat, qui ipsum ju-

dicat: vide quanti faciat, *Vt in humero meo portem illum, & circumdem illum quasi coronam mibi: Per singulos gradus meos pronunciabo illum, & quasi principi offeram eum:* Gradus suos vocat singulas vitæ actiones quas nihil melius, nil sanctius dispensat ac disponit quam mortis memoria, quæ homines à vitijs revocat, & innocentiam largitur, secundū illud, *Memorare novissimata tua. & in æternum non peccabis:* unde Augustinus lib. 1. contrà Manichæos: Nihil sic revocat hominem à pecato quam frequens mortis meditatio: Refert Climacus in Scala Parad. gradu 6. Monachum montis Oreb vitæ solitioris cum gravissimè ægrotasset ad horam interiisse, post duodecim annos à raptu suo, rogatum ut aliquid diceret, ingemuisse ac dixisse Indulgete mihi: Nemo memoriam mortis habens poterit peccare: Et in particulari ut aliquid dicamus: Tres præcipui sunt vitiorum gradus, superbia, libidinis, avaritia.

Ac 1. quoad superbiam attinet: Rectè dixit Psalmista Regius Psalm. 72. *Quia non est respectus morti eorum:* idèo tenuit eos superbia. S. Hieronymus sic vertit ex Hebreo. Non cogitant de morte sua, idèo tenuit eos superbia.

Isaías cap. 44. confutans Idolorum cultum, sic ait: *Artifex lignarius sumpfit lignum, medium eius combussit igni, &c. coxit pulmentum, &c. calefactus est, &c. reliquum autem eius deum fecit, & sculptile sibi: curvatur ante illud, & adorat illud: Tu sic exprobatur; Nescierunt neque intellexerunt, obliti enim sunt ne videat oculi eorum, & ne intelligat corde suo: Non recognoscit in mente sua, neque cognoscant neque sentiunt, ut dicant: Medietatem eius combussum igni:*

igni, & coxi super carbones eius panes: coxi carnes & comedì, & de reliquo eius Idolum faciam? ante truncum ligni procidam pars eius cinis est cor insipiens adoravit illud: Quasi dicat, quæ maior stultitia, quam id adorare cuius pars in cinerem conversa est: lignum generis humani nos sumus, radix fuit Adam, & Eva; Pars magna huius arboris in cinerem redacta est: ingredere mortuorum sepulchra, quid Præter cineres & ossa reperies? Nonne ergo delirat qui reliquam partem adoratione dignatur superbus scipsum adorat, & manum osculatur suam, se sui facit! dolū? vnde insania tanta? Quia nō attēdit, oblitus ne videat oculis & suis, & ne colligat in corde suo, ut, dicat, medietatem generis mei combussit mors, & in cinerem redegit, & de reliquā parte Idolum faciam? Pars eius cinis est, cor insipiens adoravit illud. Veniat in mentem memoria eius rei quam Moses Exod. 32. præstítit, cum iratus adversus populum propter vituli adorationem; accipiens vitulum quæ fecerant combussit, & contrivit usque ad pulverem, & dedidit ex eo potum filiis Israël: quod factum S. Hieronymus interpretatur ad Idoli contemptum, nam iussit redactum ad pulverem eibere, ut deinde in secessu mittererur: Ita Deus apud Daniel. 1. ut ad contemptum adduceret omnia regna mundi, expressa in ingēti statuā, sic illam exiguo lapide percussit, ut omnia metalla redegerit in pulverem: Tunc contrita sunt pariter ferrum, testa, & argentum, & aurum, & redacta quasi in favilam & sive area, quæ raptæ sunt vēto, nullusq; locus inveni'us est eis: ut enim rerum omnium status infimus sunt cineres, ita ni-

hil magis fastum deprimit, quam si res in cinerem reducantur. Quid superbit terra & cinis?

Hinc fit ut cineres capiti imponantur, ut enim nihil altius est capite, quod Plato arcem vocavit, cum videoas capiti cinerem imponi, intellege, quidquid homo sit, quidquid sibi tribuat, in summā pulvere messe, iuxta illud Job. Et in fine hominis, demuptatio operū illius: Quare licet multi sublimes atque excelsas habere videantur cogitationes, ac supra humanam conditionem: nihilominus tamen, In illa die peribunt omnes cogitationes eorum: vidi impium superexaltatum sicut Cedros Libani, &c. transi vi, Ecce non erat, & non est inventus locus eius: Item, post hæc erunt decidentes sine honore, & disrumpet eos sine voce, & inter mortuos computabuntur: Et Ecclesiastes cap. 8: id expressit. Non est in hominibus potestate prohibere spiritum, nec habet potestatem in die mortis. LXX. Interpretes, Non est potestas in die mortis. Hieronymus. Non est potens, nam & quā conditione tunc sunt, Reges & subditi. Observat Rabbi Salomon cum sœpe in scripturis David vocetur Rex, quando de morte eius agitur 3. Reg. cap. 2. prætermissa dignitate, solius nominis fieri mentionem: Appropinquaverūt dies David ut moreretur; Et infra. Dormivit David cum Patribus suis: Maximilianus Imperator multis diebus ante mortem, nihil nisi Maximilianus appellari voluit, Imperatoris & Majeſtatis titulis repudiatis: Atq; ea cogitatio humiles consolatur, ne rerum illeceb̄a capiantur: Cū Imperator Constantius Romanum venisset, & urbis maiestatem atq; edificia miraretur, tantæ gloriæ

glorię magnitudine obstupefactus Hor-
misdam nobilem Persam interrogavit,
Quid ipse de Roma sentiret? sapiētissi-
mē respondit, Id tantum sibi placuisse,
quod didicisset ibi quoque homines
mori.

2. Quod de supurbiā dixi, cādem
ratione de libidine dico, & amore car-
nis: Nam teste Gregorio. Mortis me-
moriā caro refrānatur ne calcitret:
Rectē Bernardus in quadam prosa: Cū
recordor quod sum cinis, & quām citō
venit finis, sine fine pertimesco, & ut
cinis refrigeresco: Anteros est, tela cupi-
dinis redigit in cinerem: olim cineres
jussu Dei loco mundo reponebantur,
ita mortis memoria inducit puritatem:
jubet Isaías filias Sion sedere in pul-
vare, ut lasciviam carnis compelcant;
Post adulterium, Davit sedit in cinere,
ita & solitarius, ait Ieremias, ponet in pul-
vare os suum: S. Hieronymus abducens
viduam à secundis nuptiis, sic claudit
epistolam: Cogita quotidie te moriturā,
& nunquam de secundis nuptiis
cogitabis: Fuit mulier impudica omnis
pōnitentiā impatiens, quæ tamen
hanc non recusavit, ut quoties manus
lavaret, tacita secum diceret, hæc caro
à vermis comedetur, sed cū id per
aliquid tempus fecisset, in aliam tota
mutata est, & ex impudicā facta est pū-
doris amantissima. Certè sicut oculi in
amore sunt duces, quoniam ad pul-
chritudinis aspectum toti ardent, ita si
mortis spectaculum sēpē haurirent,
nunquam arderent amore: unde Gre-
gor. Nihil sic ad edendum deside-
riorum carnalium appetitum valet,
quam ut unusquisque hoc, quod vivum

diligit, quale sit mortuum penset:
Quam multi ex hoc visu amorem de-
poluere: Exemplum B. Borgiæ cum
Imperatricis cadaver vidisset. Itaque
sepulchrum locus est opportunus ad
concionem, quò etiam vocatus Jere-
mias ad vallem filij Ennom juxta por-
tam fictilem, seu sterquilinij: Tu itaque
quoties in eo gradu vitæ steteris, librū
mortis accipe, & in illo gradu pronūtia.

3. Quod pertinet ad avaritiam, non
sine causâ dictum Senecæ laudavit S.
Hieronymus: facile contemnit omnia,
qui semper cogitat se moritum: Nam
uti dicitur Job. 27. Dives cum dormierit,
nihil secum auferet: Ita Lucæ 12. dicitur
homini diviti. Stulte hac nocte animam tu-
am repetunt à te, que autem parasti, cuius e-
runt? Et 1. ad Timoth. 6. Nihil intulisti in
hunc mundum, haud dubium, quia nec auferre
quid potestis. Psal. 48. Relinquent alienis di-
vitias suas. Psal. 38. Thesaurisat & ignorat
cui congregabit ea: Hieronymus epistola
ad Cyprianum. Qui se quotidie recor-
datur esse moritum, contentus præ-
sentia, & ad futura festinat: profecto
mors ostendit totam hanc vitam mere-
ludum esse ac scenam: id Augustus sig-
nificavit ex Sueton. cap. 19. Qui mori-
turus admissos amicos percunctatus
est, an non his videretur minimum vitæ
commode translegisse: adjecit etiam
clausulam Græcè, quam omnium opti-
mè reddidit Cedrenus in suo Historia-
rum compendio: Romæ proceribus
omnibus mandavit, ut se defuncto
plaudent, ac risum tollerent qui in
minorum fine fieri assolebat, eo man-
dato vitam humanam, utpote ridicu-
lam rem subsanavit. Et certè si propriâ

M

uta-

utamur experientiâ, nihil magis nobis rerum omnium contemptum ingenerat, quam mortis cogitatio: quis enim moriturus ædificet? quis moriturus ambiat? quis congreget? quis reliqua vita muniabeat?

Ex his omnibus colligimus nihil esse utilius mortis cogitatione, & verè akahian esse, atque innocentiam, ac meritò Ecclesiam nobis illam tam significâter proponere ut ferè in oculos pulverem injiciat. *Utinam saperent & intelligerent, ac novissima providerent.* Et quidem Theophilus Patriarcha Alexandrinus, cuius magna fuit in Ægypto, & vicinis Provinciis authoritas, brevi moriturus erupit in hæc verba. Beatus es Abba Arseni, qui semper hanc horâ ante oculos habuisti. Si semper non potes saltem aliquando, saltem lectum petiturns, ac te daturus somno, secundùm illud Davidis Psalm.4. *In cubilibus vestris compungimini, quod sic illustrat Chaldæus Paraphrastes. Orate super cubile vestrum, & memento diei mortis semper.* Vide quod suprà diximus de Pacavio apud Senecam Epist. 12. Hoc proderit ad Contritionem: unde Urbanus 4. ex Sadoleto in symbolis, in symbolum accepit cor palpitans in spine-to, cum hæc Epigraphe. Memorare no-

vissimorum. Dicatum fuit Climaci, sicut cibis omnibus panis utilior est, & magis necessarius, ita præstat omnibus operibus mortis cogitatio.

Collige 2. Quid judicare debeat de iis hominibus, qui mortis memoriam à se depellunt, quam Basilius appellat *phylaktirion*, Amuletum vitiorum: vel qui tanto sunt mentis stupore, atque hebetudine ut mortis spectaculo non moveantur, quos notat David Psalm. 72. *Zelavi super iniquos pacem peccatorum videns: Quia non est respectus morti eorum.* Hieronymus sic exponit. Quia non cogitant de morte suâ, & firmamentum in plagâ eorum: Alij legunt, & exponunt, quod nō turbentur propter diem mortis: cum quilibet defunctus alteri dicat, mihi heri, tibi hodie, vel hodie mihi, cras tibi: *In labore hominum non sūt, scilicet, opinantur se exemptos à communi hominum sorte.* Ne illis in hâc resimiles simus 1. semper cogita te moritum: 2. vive semper ut moriturus. 3. time ut moriturus. 4. spera ut moriturus. Nempe non est diuturna hæc vita, quæ autem futura, æterna est. Jam interest qualis futura sit, beata vel misera, fœlix aut in fœlix.

Vide quid eligas, quid præoptes.

* *